

Broj: 03-04-1160/22
Sarajevo, 17.10.2022. godine

Primljeno: 18-10-2022			
Org. jed.	Broj	Priloga	Vrijednost
0511	-02-	274	122

PARLAMENT FEDERACIJE BOSNE I HERCEGOVINE
Predstavnički dom
gosp. Ivan Miličević, sekretar
gđa Dženana Hodžić, poslanica

Predmet: Odgovor na poslaničku inicijativu

Poštovani,

U skladu sa članom 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u prilogu Vam dostavljam akt Federalnog ministarstva energije, rudarstva i industrije, broj: 05-02-4-1651/22 od 11.10.2022. godine, koji sadrži odgovor na poslaničku inicijativu poslanice Dženane Hodžić.

S poštovanjem,



SEKRETAR VLADE

mr. sc. Edita Kalajdžić

Prilog: kao u tekstu

9207

Broj: 05-02-4-1651/22

Mostar, 11.10.2022. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r g-đa Edita Kalajdžić, sekretar Vlade

BOSNA I HERCEGOVINA
FEDERACIJA BOSNE I HERCEGOVINE
VLADA
11.10.2022

PRIMLJENO:		11.10.2022	
Organizaciona jedinica	Klasifikaciona oznaka	E Pr	
03-04-1160		2022	

PREDMET: Predstavnička inicijativa poslanice u Predstavničkom domu Parlamenta Federacije BiH Dženane Hodžić, odgovor dostavlja se

Poštovana,

Vašim dopisom broj: 03-04-1160/22 od 26.09.2022. godine dostavili ste, u skladu sa članom IV.B.7.f) (VI) Ustava Federacije BiH i člana 75. Poslovnika o radu Vlade Federacije BiH – Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), ovom Ministarstvu, radi odgovora, predstavničku inicijativu koju je podnijela Dženana Hodžić, poslanica u Predstavničkom domu Parlamenta Federacije BiH, a koja je Vladi Federacije BiH upućena dopisom sekretara Predstavničkog doma Parlamenta Federacije BiH broj: 05/1-02-274/22 od 21.09.2022. godine.

Predmetnom inicijativom Dženana Hodžić, poslanica u Predstavničkom domu Parlamenta Federacije BiH, uputila je Vladi Federacije BiH i Uredu Premijera Vlade Federacije BiH inicijativu za ograničavanje poskupljenja električne energije i eventualno subvencioniranje plaćanja električne energije, u zimskoj sezoni, za kategoriju socijalno ugroženih kategorija stanovništva i smanjenje stope PDV-a privrednim društvima.

Podnošenje predmetne inicijative uvažena poslanica obrazlaže sagledavanjem ukupne situacije poskupljenja i otežanog snabdijevanja energentima u regionu, svijetu pa i našoj zemlji te cijeni da je potrebno da se ista sagleda ozbiljno, realno i da se poduzmu odgovarajuće mjere kako bi osigurali socijalnu stabilnost, dali podršku građanima i osigurali podršku privredi na koju se oslanja ukupna ekonomska i socijalna stabilnost i razvoj.

Nadalje, u tekstu se navodi da se bliži zimska sezona, da će potražnja za energentima rasti, a da je rast cijena peleta, drvenog ogrijeva i plina evidentan te da sada na red dolazi struja, gdje se predviđa povećana potreba preusmjeravanja na zagrijavanje na struju, što bi moglo direktno opteretiti sistem te da bi ista mogla poskupiti, a što bi se odrazilo i na građane, potrošačka domaćinstva i industriju.

Zbog navedenog, uvažena poslanica smatra da bi poskupljenje električne energije trebalo ograničiti Odlukom Vlade Federacije BiH, a ako, kojim slučajem i dođe do poskupljenja električne energije cijeni da bi bilo neophodno da Vlada Federacije BiH, u skladu sa raspoloživim finansijskim sredstvima, uzme učešća u subvencioniranju plaćanja električne energije, prvenstveno za populaciju penzionera, porodica sa jednim roditeljem i drugih socijalno ugroženih kategorija u zimskom sezoni.

Što se tiče privrede smatra da bi bilo potrebno da se smanji stopa PDV na električnu energiju.

S tim u vezi, ovo Ministarstvo se zahvaljuje uvaženoj poslanici na iskazanoj brizi kako za sve građane Federacije BiH, tako i za socijalno ugrožene kategorije, kao i za privredu na koju se svi oslanjamo, u smislu održivosti i razvoja.

Što se tiče prijedloga da se poskupljenje električne energije ograniči Odlukom Vlade Federacije BiH potrebno je istaći da je Vlada Federacije BiH uvijek bila opredjeljena da ne dođe do poskupljenje električne energije te da će to opredijeljenje pokušati zadržati do daljnjeg, naglašavajući da je oblast tržišta električne energije u Federaciji BiH, odnosno snabdjevanja električne energije prevashodno definisana Zakonom o električnoj energiji u Federaciji Bosne i Hercegovine („Službene novine Federacije BiH“, br. 66/13, 94/15, 54/19, 1/22 i 61/22) i podzakonskim aktima iz ove oblasti.

Važno je napomenuti da je Parlament Federacije Bosne i Hercegovine, na sjednici Predstavničkog doma od 30.12.2021. godine i na sjednici Doma naroda od 29.12.2021. godine, usvojio Zakon o dopuni Zakona o električnoj energiji u Federaciji BiH („Službene novine Federacije BiH“, broj 61/22), gdje je iza člana 16. dodat novi član 16a. koji glasi:

„Član 16a.
Izuzetno od stava (2) člana 16. Zakona, ukoliko dođe do poremećaja na tržištu električne energije na način da se cijena snabdjevanja električnom energijom za kvalifikovanog kupca poveća za više od 20% u odnosu na prethodnu godinu, Vlada Federacije je u obavezi da posebnom odlukom ograniči porast cijene snabdjevanja električnom energijom do 20% maksimalno, pri čemu se isto odnosi, za ugovore sa godišnjim trajanjem ili duže.“, uz napomenu da u članu 2. tog zakona navedeno da zakon stupa na snagu narednog dana od dana objavljivanja u "Službenim novinama Federacije BiH", te da je zakon objavljen u "Službenim novinama Federacije BiH" od 05.01.2022.godine.

S tim u vezi, potrebno je istaći da je Vlada Federacije BiH, odmah poslije donošenja tog Zakona, donijela Odluku o ograničavanju povećanja cijena snabdjevanja električnom energijom („Službene novine Federacije BiH“, broj 3/22 od 12.01.2022.godine), kojom ograničava tokom 2022. godine povećanje cijena snabdjevanja električnom energijom za kvalifikovanog kupca do 20% maksimalno u odnosu na prethodnu godinu, pri čemu se isto odnosi za ugovore sa godišnjim trajanjem ili duže.

Navedena Odluka Vlade Federacije BiH je donijeta upravo iz razloga kako bi se izbjegli poremećaji u privredi i osigurala stabilnost privrede zbog naglog porasta cijena električne energije (otpuštanje radnika i povećanje cijena ostalih proizvoda zbog povećanja cijena električne energije).

Pored navedenog, važno je napomenuti, da je uslijed nemogućnosti donošenja Programa socijalno ugroženih kupaca na nivou Federacije BiH Vlada Federacije BiH 2011. godine donijela Odluku o provođenju mjera za smanjenje troškova električne energije domaćinstvima i stimulaciji energetske efikasnosti („Službene novine Federacije BiH“, br. 44/11, 8/12, 96/12, 100/13, 75/14, 101/15, 52/16, 1/17, 55/17, 99/17, 54/18, 104/18, 55/19, 99/19, 51/20, 96/20, 55/21, 106/21 i 61/22) od 2011. godine, u skladu sa kojom se subvencionira račun za električnu energiju kupcima električne energije iz kategorije domaćinstava, kupcima koji ostvaruju pravo na najniži iznos penzije, te kupcima koji imaju pravo na stalnu novčanu pomoć (utvrđeno od strane nadležnih službi/centara za socijalni rad u FBiH) i to za kupce:

- JP Elektriprivreda BiH d.d. - Sarajevo do 5.5 KM ukoliko je njihova potrošnja manja od 268 kWh mjesečno
- JP Elektriprivreda HZHB d.d. Mostar do 7 KM ukoliko je njihova potrošnja manja od 348 kWh mjesečno.

Zadnjom izmjenom i dopunom navedene Odluke, Vlada Federacije BiH je odlučila da u periodu od pet mjeseci, počevši od 01.07.2022. godine do 30.11.2022. godine, za gore navedene korisnike poveća subvencije na maksimalne iznose i to 25.5 KM po računu JP Elektriprivreda BiH d.d. - Sarajevo i 27 KM po računu JP Elektriprivreda HZHB d.d. Mostar.

U skladu sa navedenim svjesna sveukupne situacije, kako u BiH, tako i u svijetu, Vlada Federacije BiH je i dalje opredjeljena da prati sva poskupljenja te da će nastojati da i dalje zaštiti kako građana, tako i privredu.

Na kraju, potrebno je istaći da Vlada Federacije BiH nije nadležna i ne može direktno utjecati na smanjenje stope PDV-a na električnu energiju, budući da je to u nadležnosti državnih institucija.

S poštovanjem,

Dostavljeno:

- Naslovu
- 05
- a/a



MINISTAR

Nermin Džindić